



BASES IV PREMIO NARRATIVA BREVE REPSOL

A Fundación Repsol, en colaboración coa Consellería de Educación e Ordenación Universitaria, no desexo de contribuír ao desenvolvemento da literatura galega, convoca a cuarta edición do Premio de Narrativa Breve Repsol, de acordo coas seguintes bases:

1. A este premio poderán concorrer todos os autores e autoras que o desexen, excepto a persoa gañadora da edición anterior, cunha obra escrita en lingua galega, conforme á normativa establecida pola Real Academia Galega.
2. As obras, que serán orixinais e inéditas, terán unha extensión non inferior a 50 folios nin superior a 120.
3. Os orixinais, dos que se presentarán seis copias encadernadas, estarán mecanografiados a dobre espazo, a razón de 32 liñas de 70 caracteres aproximadamente. En cada un deles figurará o título da obra e o lema desta. Ademais, acompañarase un sobre pechado no que figurará o citado lema e, no seu interior, o nome, enderezo, números de teléfono fixo/móbil do autor ou da autora e recensión biográfica recente.
4. As obras enviaranse antes do 21 de xullo de 2010, facendo constar no sobre Premio de Narrativa Breve Repsol, ao seguinte enderezo:
Complexo Industrial Repsol
Apartado 700
15080 A Coruña
5. Axuntarase aos orixinais unha declaración xurada asinada polo autor/a donde declare a súa autoría sobre a obra, así como a orixinalidade da mesma. A non inclusión de dita declaración xunto coa obra será motivo para que a obra en cuestión sexa excluída automaticamente téndose por non remitida e non presentada, e sendo destruída a mesma.
6. Establécese un único premio dotado con 9000 (nove mil) euros. Esta cantidade estará suxeita á retención a conta do IRPF que legalmente corresponda.
7. O premio poderá declararse deserto sempre que o xurado considere que as obras presentadas non reúnen a calidade suficiente.
8. A contía do Premio inclúe a adquisición dos dereitos de explotación da primeira edición en galego de ata un máximo de 1500 exemplares do texto gañador. Estes dereitos corresponderanlle en exclusiva á Fundación Repsol. A obra premiada será



publicada nos termos que acorden a Fundación Repsol e a Secretaría Xeral de Política Lingüística, ben por unha editorial de recoñecido prestixio, ben a través dos seus propios medios. En todas as edicións que se realicen se fará constar o nome de Premio de Narrativa Breve Repsol 2010.

9. O xurado estará composto por:

unha persoa nomeada por Política Lingüística,
unha persoa nomeada pola Fundación Repsol,
unha persoa nomeada pola Real Academia Galega,
unha persoa nomeada pola Asociación de Escritores en Lingua Galega, y
unha persoa nomeada pola Editorial que publique a obra. No caso de que a edición se faga con medios propios, as partes asinantes do presente Convenio nomearán, de común acordo, a unha persoa para a labor de Xurado.

A decisión do xurado será inapelable e farase pública no mes de setembro do ano 2010.

10. A entrega do premio terá lugar nun acto público que se celebrará na cidade da Coruña. A non ser por razóns de forza maior, a persoa gañadora deberá estar presente no acto de entrega do premio.

11. Os orixinais non premiados serán devoltos, sempre que os/as autores/as así o soliciten por escrito no prazo máximo de dous meses a partir da data en que se faga pública a resolución do xurado. Os orixinais que non se retiren destruíranse.

12. Os datos achegados polos participantes no Premio incorporaranse a un ficheiro automatizado titularidade da Fundación Repsol, entidade con domicilio en Madrid, na rúa Velázquez, 66, 28002, cuxo tratamento estará suxeito á Lei orgánica 15/1999, do 13 de decembro, de protección de datos de carácter persoal, e a súa normativa de desenvolvemento, coa finalidade de utilizarse para a realización de cantas xestións sexan necesarias para o desenvolvemento do Premio, incluída a selección do gañador, a publicación da listaxe do gañador e a posterior entrega do Premio a éste. Os participantes terán o dereito de acceder a este ficheiro e rectificar, cancelar e/ou opoñerse ao tratamento dos seus datos. Neste caso, deberán comunicalo expresamente, para o que enviarán unha comunicación escrita á antedita dirección.

13. Os participantes autorizan expresamente, sen dereito a contraprestación ningunha e con carácter indefinido, que a Fundación Repsol poida facer difusión, en calquera medio de comunicación interno e/ou externo que estime oportuno, dos seus datos persoais consistentes no seu nome e apelidos como gañador do Premio, coa



exclusiva finalidade de asegurar a divulgación por calquera medio e coñecemento da realización e adxudicación do Premio.

14. Os participantes autorizan expresamente, con carácter indefinido, que a Fundación Repsol poida facer difusión, en calquera medio de comunicación interno e/ou externo que estime oportuno, do nome e apelidos do gañador do Premio sen que iso xere dereito de pago e/ou indemnización ningunha a favor dos participantes.
15. Nos aspectos non incluídos nestas bases ou naqueles que puidesen ser obxecto de interpretación, a decisión corresponderalles ás entidades organizadoras, as cales, unha vez consultados os membros do xurado, emitirán ditame que será inapelable.
16. A participación na convocatoria do Premio de Narrativa Breve Repsol 2010 implica a aceptación destas bases.

A Coruña

Data.- 13 de maio de 2010